



Pipaluk Lyngé
Inatsisartunut ilaasortaq, Inuit Ataqtigiit

KNR pillugu § 37 naapertorlugu apeqqummut nr. 151-2024-mut akissut

08-07-2024
Suliap normua: 2024 - 1595
All. nr. 24325164

Asasara Pipaluk Lyngé

Inatsisartut suleriaasiat naapertorlugu apeqquinnut qujanaq.
Apeqqutigineqartut tullingtuutuni akissuteqarfissavakka.

Postboks 1029
3900 Nuuk
Oqarasuaat:
+299 34 50 00
Mail: ikin@nanoq.gl
www.nanoq.gl

Apeqqut 1: Kalaallit Nunaata Radioani sulisut, taakkunanga amerlanerit tusagassiortuusut ukiup ataatsip ataallugu ingerlanerani 35-it soraarsimaput. Innuttaasunut kiffartuussinermi isumaqatigiissutip, 1. Januar 2023-miit 31. december tungaanut atuuttup, attatiinnarneqarnissaa piviusorsiorpa?

a. Tassani isumaqatigiisummi piumasaqaataasut naammassineqarsinnaanissaat piviusorsiorpa?

Akissut: Innuttaasunik kiffartuussinermut isumaqatigiissut KNR-imit namminermit pisariaqartitat aamma suut tunniussinnaanarlugit ilimasuutigisat aallaavigalugit suliareneqarpoq naleqqussarneqarlunilu.

a) Qulaaniittoq akissut takuuk.

Apeqqut 2: Innuttaasunut kiffartuussinermi isumaqatigiissut 1. Januar 2023-miit 31. december 2026-ip tungaanut atuuttussaagaluortoq ikerinnakkut allanngortinneqarsinnaava?

a) Innuttaasunut kiffartuussinermut isumaqatigiissut allanngortinneratigut, assersuutigalugu KNR-ip nammineq qaqugukkut qanoq siviutigisumik aallakaatitsisarnissamik aaqqiussuuisinnaalersillugu allanngortikkuni, KNR-p ilungersunartorsionerminik qaangiiniarnissaanut iluaqutaasinnaava?

b) Innuttaasunut kiffartuussinermi isumaqatigiissut allanngortikkuni tamat oqartussaanerannut qanoq sunniteqassasoq Naalakkersuisut isumaqarpat?

c) Innuttaasunut kiffartuussinermi isumaqatigiissutikkut KNR-i nammineq suliaminik, TV-uppat, raatiuppat allagaappataluunniit, qanoq qaqugukkullu saqqummiussisarnissamik aalajangersaasinnaalersillugu aaqqiineq pissagaluarpas suut kingunerisinnaagaat Naalakkersuisut isumaqarpat?

Akissut: Soorlu innuttaasunik kiffartuussinermut isumaqatigiissummi, immikkoortoq 14-mi takuneqarsinnaasoq, isumaqatigiissummi allannguinerit piffissap ingerlanerani KNR-ip Naalakkersuisullu akornanni isumaqatigiissutigineqarsinnaapput.

a) Apeqqut 1-imut akissut innersuussutigineqarpoq.


b) Innuttaasunik kiffartuussinermut isumaqatigiissummi allanngortitsinerit KNR suleqatigalugu aamma Radiukkut tv-kkullu aallakaatitsisarneq pillugu Inatsisartut inatsisaat nr. 7 2014-meersoq (Radio aamma tv pillugu inatsit) Inatsisartut inatsisaannit nr. 15, 21. November 2022-meersukkut allanngortinneqartumi malittarisassat aallaavigalugit suliarineqassapput. Tamatuma saniatigut KNR-ip siunertai suliaasaalu Radio tv-lu pillugit inatsimmi aamma malittarisassaqartinneqarput. Naalakkersuisut isumaqanngillat innuttaasunik kiffartuussinermut isumaqatigiisummik allanngortitsisoqassagaluarpat inuit oqartussaaqataanerannut kinguneqassasoq.

c) Innuttaasunik kiffartuussinermut isumaqatigiisut KNR suleqatigalugu suliarineqarpoq aallakaatitassanullu tunngaviusut Radio tv-lu pillugit inatsisip § 28-ani takuneqarsinnaapput. Innuttaasunik kiffartuussinermut isumaqatigiisut maleruagassiisarpaq innuttaasunik kiffartuussinernut ataasiakkaanut pisussaaffiup soorlu aallakaatitassiat qanoq ittuunissaanik. Naalakkersuisulli isumaqatigiisutip aalajangersimasup piviusunngortinnerani aallakaatitassiat ataasiakkaat aaqqissuunneqarnerinut attuumassuteqartillugu akuliussinnaanngillat, aaqqissuisoqarneq pillugu piginnaaneqarneq KNR-ip ulluinnarni aqutsisuisa akisussaaffigimmassuk.

Apeqqut 3: *Naalakkersuisut tusagassiuutit pillugit isumaqatigiinnissamut aamma tusagassiuutinut politikkip pilersinnissaannulluunniit pilersaaruteqarpat?*

Akissut: "2024-mut aningaasanut inatsit pillugu isumaqatigiissummi" Inuit Ataqtigiit, Siumut, Naleraq Atassut aamma attaviitsumit peqataaffigineqartumi allassimavoq politikikkut tusagassiuutit pillugit isumaqatigiissutigineqartussamut piareersaanermut tunuliaqutsiisinnaasumik sioqqutsisumik qulaajaasoqarnissaa naatsorsuutigineqartoq.

Inussiarnersumik Inuulluaqqusillunga


Aqqaluq B. Egede
Naalakkersuisoq